

全唐文

卷六百二十一之六百二十三

崔膺	許勃	劉巨川	陸肱	趙德	馬吉甫	郭通	袁歆	張造	王士詹
李宣	李冉	周行先	元固	趙昂	馬翊	陸庶	邱鴻漸	羅好心	李罕
韋渠牟	宋申錫	王藹	溫任	呂焯	賈季良	邵炅	林濤	于可封	侯嶠
韓臯	熊執易	姚峴	姜公復	徐元弼	賈晉	范冬芬	林益	符子璋	盧嶠

竹居攷虞

竹居校書



全唐文
卷一百一十五
崔新判陸超馬郭本張王
角齒列狀德壽海族連唐
壽壽國之魏馬陸柳羅專
監典覽國哥相唐斷心軍
書宋張孫曹舒林李張
年銘益鈕坤良吳楊封喻
紳陳姚基徐曹范林等唐
年執事規觀則醫不唐碑喻

欽定全唐文卷六百二十一目錄

王士詹

五臺山設萬僧供記

李罕

唐檢校右散騎常侍兼御史中丞容州刺史李公


去思頌

并序

侯嶠

對里正主妹喪判

盧嶠



對爲其師掃判

張造

批斫槐樹牒文

羅好心

沙門般刺若翻譯經成進上表

于可封

至人心鏡賦

符子璋

漏賦

袁歆

對祭侯判

邱鴻漸

愚公移山賦

林濤

對惰農判

林益

五星同色賦

郭適

人不易知賦

空賦

林

愚公移山賦

張

惟祭封賦

東

欽定全唐文卷六百二十一

王士詹

士詹貞元時官司兵參軍

五臺山設萬僧供記

彌陀居西國照師宗焉帝堯在位邠公輔焉是知佛寶國
寶殊躅而同體也竹林精刹應現施工已立西方教主大
師法照自南嶽悟達真要振金錫之清涼根瑞相以徘徊
躡雲衢而直進躋靈山入化寺周歷

闕三字

百二十院所覩

異光奇迹具紀於大師實錄海

闕二字

播故略而不書茲乃

淨土教主東流也故治地

字闕二

寺焉

李罕

罕隴西人德宗時官嶺南經略使判官權知容州留後事
監察御史裏行

唐檢校右散騎常侍兼御史中丞容州刺史李公

去思頌

并序

維貞元二年秋八月天子以郡國二千石之高第者曰隴
西李某利澤施於裔土美化被乎遐毗是用遵虞書陟明
之義參周官進律之典俾之由檢校右散騎常侍兼御史

中丞容州刺史本管經略守捉招討處置等使爲御史大夫嶺南節度經略觀察處置等使實授兵符加擁使節某月自合浦如南海於是縣道溪谷鰥寡孤老洎於士吏朽與懷思隱然不去乎心森然不離乎目願所以昭明其德光示於後嶺南經略使判官權知容州留後事監察御史裏行同郡李罕始以文學居辟選之首遂參帷席復以謀能當器任之重留總軍府美公之政大備感公之禮有加因其人之請而上之上可其奏夫其郡之四封濱於百粵外則有山寇海孽比境集處之虞內則有勤戍勞師流散

轉徙之弊親帥其下以撫吾人慰藉傷夷安集疲耗懼貨
貢之闕至助之以家財憫徭事之繁至代之以私屬選武
藝歸老疾罷減塞卒四千餘人以趨農時率游惰闢汙萊
開置屯田五百餘頃以足軍實舍寇賊之爲縲囚者釋而
遣之以除其怨而狙獷以順禁人民之相虜賣者執而誅
之以去其害而童昏以安常歲有災濫炎而連燒於廬舍
公創其制以禦其鬱攸而邑居以葺舊俗多怨睚眦而致
毒於飲食公立其防以解其悁忿而鄉黨以和樹枝幹而
啟閉畢修列亭燧而厄害斯控差重輕以行徵令無不均

之議量遠近以納貢職無不供之貢人用富庶家有儲峙
敦之以禮懷之以仁潔已而不汙未嘗有貰貸勤身而不
怠未嘗有懈弛明足以照遁情隱慝而不爲察威足以制
猾人暴史而不爲苛古之良能何以加此惟我公有唐宗
室枝屬之選監州刺史諱孝詵府君之曾孫宏農郡太君
諱璟府君之孫太子太傅贈司徒諱齊物府君之子續洪
緒丕績之餘裕宏休純懿之下鍾寬博而柔良稟高明而
疎達根於經義飾以藝文故其仕王畿宰京邑累執憲簡
且登輶車備重臣賓介之職居大府紀綱之任三亞京尹

兼中師之貴復爲宮相在常伯之位歷饒州刺史而後至
是州恩結於人功加於物必聞理效而興頌聲且夫有美
焉有刺焉詩人之義也善善而褒之惡惡而詘之春秋之
事也使賢士大夫之業不沒於後太史公之制也以予之
嘗修史記而爲訓辭緣人之懷心而頌之曰

帝念南方迫界蠻夷人新被寇歲或勞師屬之於公俾養
牧之匪直勤身亦帥其屬贍我貧匱字我惇獨息人便農
墾田積粟修其教化被以威德賊害旣除禍災斯息完我
廬舍親我骨肉咸保其生且易其俗蚩蚩羣族孰不蒙福

播爲頌聲公受百祿彤弓旅矢以長諸侯人之懷德勒石
垂休

侯嶠

嶠德宗朝官金部員外郎

對里正主妹喪判

癸爲縣令有妹之喪使里正主之或告非禮訴
云所居無東西後家

女也有喪行實殊制士之達禮哀以立則惟癸領縣同氣
辭家生稱未亡已軫柏舟之詠死歸異姓且無藥棘之悲

欽定全唐文 卷六
東西南北之人歎四鄰而莫有鄉黨里閭之室望九族而
繫無口乃有期亡喪之是匍匐救之里尹其人殊周勃之
給喪所資致祭具項梁之倚辦寧惟執紼在禮自有明文
或人胡爲妄動

盧嶠

嶠范陽人貞元四年官永州司馬

對爲其師掃判

甲爲鄉學生爲其師掃或詰之失禮訴云有近
賓將至

稽先王之國法閱司徒之教典必由鄉校馴致膠庠用擊
童蒙方論俊造資鼓篋以懋德表師嚴而道尊甲也嗜學
因方琢玉成器憤悱以攻木春容而扣鐘然由衷執顏罔
敢勦說初布席以函丈終摳衣而負牆問道非飲食之賓
鳴謙用掃除之隸而禮云聚突義在攝齊賓主有儀應對
無失主人觀禮弟子修容訴人無乖所宜或者如何致詰

張造

造貞元中官渭南縣尉

批斫槐樹牒文

近奉文牒令伐官槐若欲造車豈無良木恭惟此樹其來
久遠東西列植南北成行輝映秦中光臨關外不唯用資
行者抑亦曾蔭學徒拔本塞源雖有一時之利深根固蒂
須存百代之規况神堯入關先駐此樹元宗幸蜀見立豐
碑山川宛然原野未改且召伯所憇尚自保全先王舊遊
寧宜翦伐思人愛樹詩有薄言運斧操斤情所未忍

羅好心

好心德宗朝官檢校太子詹事從幸奉天封奉天定難功

臣

沙門般刺若翻譯經成進上表

臣表弟沙門般刺若先進大乘理趣六波羅密梵本經伏
奉今年四月十九日敕令王希遷精選有道行僧於西明
寺翻譯今經帙已終同詣光順門進上

于可封

可封洛陽人安州司功元範孫官國子司業

至人心鏡賦

以人心融道清
鑒應物爲韻

莊生有言曰至人用心若鏡有旨哉是言也夫鏡也者以
明爲體是故有來而必應心也者以靜爲照亦可不思而